



АС САЛАМ

Уркѣџила Веџ Аллагъла уличил

www.assalam.ru

№ 12 (125)

декабрь 2009 г.

зულъ-хиджа 1430 г.

Базли гъачам дарган мезличил дурабул хъу-си. Багъа 15 къруш

4

Аллагъ



5

Дугъя



7

Дазала дулъахъути секлал:



НА ДАРГИНСКОМ ЯЗЫКЕ

РУХИЛА ВА БАГЪУДИ ТИИТБИРНИЛА ШАЙЧИБСИ ГАЗЕТА

Ахир заманала гъяламатуни

Аллагъу тагъялани иш дунъя даим-лис акълекъахъуб, адамра даим кавлуси ахлен. Аллагъу тагъялани дунъя ахиратли-зи аркъути адамтани къаџи тлалаббируси мерлира, Аллагъу тагъялаличил къарши-викес, гъуниваѣс хъадурвируси мерлира бетаахъур.

Аллагъу тагъялани дурхъаси къръай-зиб къияма хапли, хабарагарли ляркъ-ниличила буриб. Ахир заманала халати гъяламатуназирад цацадехитира гъанду-шиб: Ягъжуж-Магъжуж, къинайс Писа идбаг дунъяличил ляркъни ва цархилтира, амма Аллагъу тагъялани къияма мурт кадилу-тил халкълизи хлебагъахъур, нушала Идбаглизи багъахъурли, халкълизибад дигъанбарахъиб.

Ил хлебагъахънила хикмат: адамти гъяхти гъямулти дирули, шагъватунази, вайти хърамтази хлехъили, ил бархиличи хъадурбикъули буахъни саби.

Ахир заманала зарули гъяхдешуначир дахъал диъни багъандан, сунес геларад гъамли дирутира къанни дирутира пит-наби дахъал диъни багъандан, Расу-луллагъли илди гъяламатуни дахъал хъадисуназир имџали гъандушили сари. Ибну хъажарли иб: Ахир заманализир



дирути лерилра гъяламатуни суткуда-рибти ахлен, дахъалгъунти суткударибти, асухедироти, диалра».

Гъар гъялим адамличил хъарси саби илди хъадисуни дурули адамтала ургар тинтдирни. Илди дурни сабабли Аллагъ-ли адамти чуни дирути бунагъуназибад,

вайти хасиятуназибад геламбизахъурли чула уркѣџи къантдиклахъу, иман имџабирахъу.

Гъялим Барзанжини буриб, Аллагъла уркѣџи баахъабну сунечи:

«Ахир заманала халатира диштлатира гъяламатуни Расулуллагъли (с.г.ва с.) чучи-

ла хабар бурибти хъабал бутлаличи дуртлу: Цаибил –даклудухъи, агардиубти гъяламатуни сари.

Киибил - даклудухъи детхлейхъули, имџадикъули тамандирути гъяламатуни сари, илди тамандиубхъели хъабъибил бутла даклубулхъан.

Хъабъибил - Бутла халати гъяламатуни сари, чус геларад къияма кадилзути.

Илди дердибти субхъанти секъяйда кадиркулил, цалис ца геларад ляркъян».

Нушани илди гъяламатуначила хъадисуни гъандуршехе.

Гъяли асхъябилизибад бауриб Идбагли иб или:

«Къияма кахледилзан дунъяличил бегълара талихъла адам лагъла дурхъя пача ветаайчи».

(Лукаг: лагъ, дагъриагар, вайси адам сай. Илала мягъна: Илдигъунти адамти халкъла букъри бирар ибси саби.)

Анаслизибад бауриб Идбагли иб или:

«Адамтачи замана ляркъян, их зама-на бакъайчи сабурбарил кайзурси адам, цала ламинякъбани буџибсигъуна вирар»

Анаслизибад бауриб Идбагли иб или:

«Ахир заманализиб дин хлѣргъибти гъябидунира бирар, бучлути пасикъунира бирар».

Ибну Масъудлизибад бауриб Идбагли иб или: **» 3**

Жаназала дехлибала

Вебкисилис жаназаладирути ахлен.

дехлибала дирни фарз-уль-кифаят саби, цархилван буралли, ца адамли дехлибала дарниличил лебтачилра чебсибехлихъудла шартли саби, цалабик биал-таманбирни, хледаралли—лебилра бунагълизи биркути саби.

Дехлибала дирни

Авна "Аллагъу Акбар" иру. Цаѣ-си "Аллагъу Акбар" дехлибала дирнила чебсибехлихъудла шартли саби, цалабик биал-ли—ракагъатунала шайчиб.

Эгер имамли шуйнайсра "Аллагъу

Акбар" алли, илхлели имамлис глѣргъи кайзурси маъмумли ил тикрархлебиру ва имамли дехлибала тамандарайчи тлашилзан, саламла дугъби дурайчи.

Илди дехлибала тлашли дирути сари, чъанкъли тлашизес ахъри агарсиле ахленси

Маслигъатдирути бар-къудлуми

Имам вебкисила михъирличил къаршили тлашилзуси сай, вебкисби

мурул адам саял яра хъунул адам сарил хлѣрхлеили, гелаб калунти биалли имам-лис глѣргъи къянази кабилзути саби.

Цаибил "Аллагъу Акбарлис" глѣргъи "Субхъанака, Аллагъумма ва бихламдика..." бучахъес маслигъатбируси саби ахирличил бикайчи, илис глѣргъи "Фатихъя" сура бучлуси саби.

Киибил "Аллагъу Акбарлис" глѣргъи "Салавату Ибрагъимия" ахирличил бикайчи бучлуси саби, дехлибайзиб къяйдале.

Хъабъибил "Аллагъу Акбарлис" глѣргъи вегълис къадинра, вебкисиле ва цархилтас къадинра балга бирахъес маслигъатбируси саби.

Дугъла вегълис дигуси чеббиклес виру-си сай, амма гъяхси саби ва къиматчебси саби Идбагли баурибси белчлини.

Балга бариле глѣргъи авнайс "Алла-гъу Акбар" иру. Балуй шайчибяхълра алгъай шайчибяхълра салам бедлуга ва дехлибайзибад саламличил дурабулхъан.

Имамли ва дехлибайчиб лебти цархилтани цаибил "Аллагъу Акбарличил" някъби ахъдурцу ва михъирличир далта. Имамли тламаличил такбирти дуру ("Алла-гъу Акбар") ва цаибил салам.

Дехлибала дулъути секлал

Жаназала дехлибалара цархилти дехлибала дулъути нукъсандешуна дулъу-ти сари: дазала агнили, гъайли.

Шуртѣри

Илди дехлибала дирухлелира цархилти черлидиубти дехлибултас кадизахъуртигъ-урти шуртѣри тамандирули диѣс гъягънители сари. Масала, дазала лерни, дехлибала Къиблала шайчивяхъли кайзурли дирни ва цархилти.

Вебкисби адам бусурманни виѣс гъягънисе сай, сенкъун илис дехлибала Къиа-малла бархли гъаладилзути сари.

Жаназа, бихъри ва дехлибала дируси мер умутили диѣс гъягънители сари.

Имам гъалав тлашизурли виѣс гъягънисе сай.

Дехлибала селра диргалабулхъуси агарли дирули диѣс гъягънители сари.

Жаназа ванзаличиб, чъябарличиб биѣс гъягънисе саби, цархилван буралли, дехлибала жаназа някъбачи ахъбуцили



Усишан Дауд-хіяжи

Даргала округлизибси Усишала шили дарганти ургабун ахленну, Дагъистай-зибра дин Ислам тинтйбирнилизин ва шаригятла кьанунти кадизахънилизин халаси пай кабибсири. Ил ши гъалаб халаси гилмула беклибуубси цугдай-лайбси мерли бирули калунсири, сенкун илар гилму руркъниличил дарх жузи черлукънира дебали бузахъусири.

Усишабси мадраса биалли XVI-XVIII ибти д.дусмазиб белчудила заведенияби ургаб беклибидубтазибад ца сабри. Ила гилму делчлес багъандан алавити шимазибад гярабла гилму даланти башутири. Илмцаливан мадрасаби машгурдирети илаб бузуги мугъяллимти хясибли сарри. Усишала шилизибра машгурти мугъяллимти бузугири. Илди ургаб бузугири Мухияммад бин Мухи, Гябдурахман ва ц.

Усишала шилизив аклубси сай 17 ибил даршдусла ургавван Дагъистайзивцун ахленну, дунъяличивра машгурибси гялим Дауд-хіяжи.

Дауд-хіяжила дудеш Гяли бин Мухияммад букун сайри ва абзурси дус ил напакъа бучес багъандан дубуртачив вирусире. Дауд виштлахейчивадал белчудиличи иштяхсири. Гъала-гъала ил шилизибти гялимтачив учули калун, бара халаваибхлели гъар бархли Ахъуша вашес кайиб.

Ахъушаб гярабла гилмуличила багъуди касили, кIарахъан Мяхияммад Къудутланничи учлес арякъун. Даудли иличир сунела пагъмурти чедаахъиб, ил бегла пагъмуркарси мутагъяллим сайри. Къудутлан Мяхияммад биалли лебтанилра цауркIли Дагъиста гялимтала цаибил мугъяллимлизи халирусире. Сунела зилантачивад Дауд бусягъатал секIал уркличиб багъес вирниличил, ва гилму руркънилизир урхIмелишуахленси гъуцI даклубирниличил декларулхъусире. Имцаливан жагъси Дауд гярабла филологиялизиб цакълири. Къудутлан Мусалавни Даудлизир мурхъти багъудлуми ва пагъмурти чедиулри, ил багъандан ил Египетлизи, белчудиди даимбарахъес урхъули сай. Сунени дурала улкназиб балути гялимтала бархбасуни пайдаладарили. Египетлизиб Дауд-хіяжини Къаирла дунъяличиб машгурси Аль-Азгъар университет таманаибсири. Илар илини черяхIти сархибдешуни сархиб, хIятта гярабла мез кадирхъахъес балли тиладибарибсири итабти гялимтани Дауд-хіяжиси. XVII-ибил

даршдусла ахирличив Дауд адДагъистани (Востокличиб илис илкъяйда биклугири) Сириялизиб гечуубсири. Илар иличи деклар-декларти гилмуртала шайчир багъудлуми мурхъдариб ва дахъал жузи делкун. Нушачи биалли лерилра даили ахлен. «Шахру Шафия» биклуси гяраб мезла грамматикаличил жура-журала гялимтачив делкунти кагъурти сари. «Шахру Шафия» дарган мезли «Гяраб мезла грамматика» или баянбирни саби. Илав усан Дауд-хіяжи гярабла мезла ва грамматикала шайчив бурес агарли чевета-



ибсими увухъун. Кинайс «Шахру Шафия» Темир-Хан-Шуралезиб Мавраевла типографиялизибра дураибсири.

Усишан Дауд-хіяжини гелар датур логикала шайчирти хIянчурбира. Дагъистайзир Дауд-хіяжила хабардехур филолог сайлира, жамигъатла гямула тяхIаркъяйда кългIердикан сайлира. Ил цархIилти гялимтачивад декларулхъусири азадси пикрикар сайлин къяйдара: «Пикрумала шайчив ва илди тинтйдирнилизив Дауд-хіяжи чизивадалра урухIекIли», - илкъяйда луклули сай Гяли Къаяевли.

Усишан Дауд-хіяжини итхIелла Дагъистайзирти гямула-бекIахъудила шайчирти тухIурти далти, бархъагардешличи къаршили калзи. Адамти саби ургаб,

ванзалашал бутIацугти биахъес чумали махикIли. Ца миллатли итил миллатличи къаршили дурадуркIуги гъужумти инсап, яхI-намусличи ва илала кабизалачеб-дешличи ургIерти сари. БелкIес-белчлес хIебалуси адам, виклусири ил, дархъагарти хIиллуртачив дархдасунти урхIла пикрумала асарлиу викес вирар. Илгуна адамлис бархъдешра, гяхIра, вайра деклардарес гядабли бирар. Илди ва гъанхIедушили калунти гяхIцад цархIилтира далилтачи хъарахъили, машгурти Россияла востокведуну В.В.Бартольд, И.Ю.Крачковский,

белкIа къадарбарилуна, ну иша - Усиша хIярихъабая». Илала аманат таманра барибсири.

Дауд-хіяжи аклубси дусла чумал тарихра лер: 1678, 1688 дусми. ВебкIили сай 1757 ибил дуслизиб.

Дауд-ал-Усишини хIукуматла суалтазирра сунела бутIакъандеш дирусири. Иранна шахлис налог хIелугахъес дагъистанланти бегI гъалаб жибарибсира ил сайри. Бурули бирар, чула напакъа бучес бакибти иранна адамтачив ил ишкъяйда дугъаизурсири или: «Итди, итаб теб хIушаб секIал лугес чеасибти. Итдазирад сасая». Дауд-хіяжини илди хIябрази букили, илкъяйда бурили уили сай. Ил илкъяйда дагъистанлантачив унраличиб хIербирути цархIил улкала халкъличи чябхъинтачив чехIебулхъахъес жииклусири. ХIябри жагали дихIахъес, илдачи хIеруди бирахъес шила жамагIятличи дугъаилзусири.

Дауд-хіяжила ишдигъунти хIянчурби лер нушачи даили: «Хаваша ал Усишала Шархат-Тафтазани» («Ат-Тафтазанила баянбарниличил ал-Усишила баян»), «Таркиб миат амил». Логикла гилмула хIянчи: «Хашия Нуман» («Нуманничи субкомментарий») - ил гялим Нуман ал-Абхарила комментарийличи (баянбарни) субкомментарий саби греческий философ Порфирийла сочинениелис багъишлабарибси. Пурра дахъал хIянчурби лер. Дауд-хіяжис сунела замана устаз сай или биклугири.

Сунела хъалла удиб илини кургъуна мер абитIли, хъали барили илав цай-дешлизиб хIаватвирули уили сай. Илала пагъмуртачив халкълизир гъаннара хабурти дурули сари. Дагъиста лебил гялимтачив тянишсири ил ва илдачил варх пикрииклусири се-биалра челукъуси арзес.

Усишала ши Дагъиста халатигъунти шимазибад ца саби. Илис бикъридеш дирули сари шилизирти халати б-дехI хIябрани. ХIябрала бегIлара чебуси мерличиб тIашли саби, манзилли бухънабаахъибси, гъанналис 251 дус гъалаб катлунси, хабардехурси гялим Дауд-хіяжи Усишинский-ла цIелда. Цалра адам, хаслира Усишан илди хIябраубси гъуйчивад аркъухIели тIашизурли, илала хIябличичи вяхIиизурли балга хIебарили шалгIевхIелхъан. Илала хIябличиб гъаман адамти камхIебирар. Бахъал саби иша зияратли башутира - Дагъистайзибадцун ахленну, цархIилти мераначибадра.

А.Н.Генко Усишан Дауд-хіяжи сунела заманала Дагъиста бегIлара хабардехурти гялимтачивад ца сай, - ибси пикриличичи бакибтири.

Дауд-хіяжи Усишинский Аль-Азгъар университетлизиб 6-7 дус узуги калун. Итар илини дахъал сочинениеби делкунсири. Гъаннара итабти гялимтани илди пайдаладирули сари ва мяхIкамли дихIугири сари. БегIтала тилади хIясибли Дауд-хіяжи шилизи чарулхъуги сай. Илаб илини шилизирти ва цархIилти мераначибад башути адамти бучIахъуги калун.

Ишгъуна буралара леб: Ца кIарахъай Дауд-хіяжичи учлес вякъи зягIипкай-кибхIели, аманат барили сай: «Аллагъли наб ши дурхъаси адамла мерличиб

ДИН ВА НУША

Гъармукадеш – бегIлара декIти бунагъуназибад ца саби.

Гъункъяби гъарали белтлес гъуйчи дуравхъунсиличичи убяхIдеш хIерли бирар.

Ислам динни хIярамбарили саби цархIилтала гямуруличичи ва масличичи, бусурманти биаб илди, цархIил динна вакилти биаб, чебулхъахъес. Хъулкидеш, гъармукадеш ва илдигъунти цархIилти вайбаркъуни Шаригъятлизир дунъяличир зулму, Аллагъличи ва Илала Расулличичи къаршидеш дарниличил ва илди тинтйдирниличил цугдурцуги сари.

Аллагъ Къуръайзив виклули сай (мягIна): «Гъарли-марли, Аллагъличил ва Илала Расулличил (с.гI.в.) бургъутачи ва

ванзалачиб бархъагардешуна биркъутачи жазъа хIерли саби.Илдас жазъали детарар: кърбарни, хъяблабяхъни, къяшми яра някъби чердирхъни, яра дугIаибдеш. Иш дунъяличир мучлаагардеш ва халаси жазъа итил дунъяличиб».

Имам ЗамяхIшари виклули сай Шаригъятлизиб бусурмантачив душмандеш кадугици - Аллагъла Расулличичи душмандеш кадугициличил цугбурцули саби или, сенахIенну чили бусурман адамлис вайдеш баралра, иличи ярагъ бяхIчеули, ил

ЧевяхIси Аллагъличи ва Илала Расулличичи къаршили ургъуси сай.

Шаригъятлизиб гъуйчиб чебухъи секIал кебасни-ил халати бунагъуназибад ца саби, сенахIенну гъуйчивси адам цунси, цIакъ агарси, селра батахъес хIейруси вируси сай.

Гъункъяла секIал кебуси яра ил каршуси Шаригъятли къркъли танбихIлавируси сай. Чили чи-биарла кавшалра яра илизибад се-биалра кебасалда, илис бекIа ва хъяблавяхъни саби;

се-биалра кебасили, амма кахIевшалли, илала някъ чеббирхъу, кавшили, секIал кебхIесалли, илгуна адамличичи бекIацун хIерли саби. Илдигъунти сари Шаригъятла кьанунти. Жазъа илала баркъудлумачи хIеръили саби бируси.

Ислам-ил гяхIдеш ва бархъдеш саби, илини хъулкидеш ва зулму тинтйдирути ахлен. СекIал бигIес или дуравхъунсиличичи убяхIдеш ва къркъси танбихI хIерли сари кIелра дунъяличир. Аллагъли нуша мусибат-балагъуназирад дерцахъаба.

Ахир заманала гяламатуне

1 «Къияма гъамдиънила гяламатуназибад саби, аклубси виштаси неш-дудешлис мутигхлекнира, дуцрум заб дахъал дирули секлал хлебашан бирнира, вайти адамти бахъбийнира».

Джабирлизибад ۞ буриб Идбагли ۞ иб или:

«Адамтачи замана лябкъян, саби ургав муъмин адам дигяниркуси, хлушазив мунафикъ дигяниркуливан».

Абу-гъурайрализибад ۞ буриб Идбагли ۞ иб или:

«Гялимтачи замана лябкъян, чузибад ца вебкни хунтлена мургъила дубуралчиб дебали дигахъуси».

Ибну Масгудлизибад ۞ буриб Идбагли ۞ иб или:

«Къияма кахледилзан мурул адамтани мурул адамтачил барх абаала бирули, хъунрани хъунрачил абаала бируси замана сабаайчи».

Ибну Масгудлизибад ۞ буриб Идбагли ۞ иб или:

«Къияма гъамдикнилизибад саби – шуцали адамли дехибала дарибхелира, цалаалра къабулхедирни».

(Илала мягъна: илдани дехлиба рукнушартI хледаахъили дирули, дехибала хледирар, Аллагъли ихди дехибала къабулхедире ибси саби).

Абу-Гъурайрализибад ۞ буриб Идбагли ۞ иб или:

«Дила умматлизир клел къукъя дирар жагъаннабла агъулизиради дубти, сарирануни чехледиути. ЦабехI къялла къуйрукъунигъунти гярчумагуначилти халкъ саби, илдачил адамтас бирхъути цабехI хъунри саби, палтар чегъурли хъалли, чянклути (ихала мягъна: къакъати, чархла гъар биркIан балахъути яра даклудешли удила чебиахъути палтурти челгъанти) чучи

хлеръаб, или пахруличил башанти, чула букрира валрила къакъаниван халадаахъибти, илди алжайзи бухIнахлебулхъан, я илдани алжанала гягIра хлебургу.

Цархил хIядислизиб леб: «Илдачи лягIнат бушая, илди мялгунти саби».

Нававини иб чула букрира валрила къакъаниван халадаахъибти ибил: «букри халадиру гягагъуна секлал бергурли-ибси саби».



Ибну Масгудлизибад ۞ буриб Идбагли ۞ иб или:

«Адамтачи замана лябкъян, динна вегли сунела дин берцахъес хлейрар сунечи гяяр вякъунхелеи бешуши гурданван ца дубурличибад итил дубурличи... гъаввируси адамли ахIенси мягIшатличи хлейхъелеи, ил замана, адамтачивад вердес асубирар. Ил замана адам сунела неш-дудешла някълизибад гъалаквирар. Илди лебсила агарли биалли, сунела хъунул яра аклубсила някълизибад гъалаквирар,

ихдира агарси гъамтала, унрубала някълизибад гъалаквирар».

Гяли асхIяблизибад ۞ буриб Идбагли ۞ иб или:

«Адамтачи замана лябкъян, адамти гялимлис гIелабад хлебашуси сабурла, уркIецIила вегI адамличибад урузхлебиклути, халалла хIурмат агарси, виштасиличи уркIецIи агарси, дунъя багъандан саби цабехIли цабехI кабурушу-

халалла хIурмат хлебирар, виштасиличи уркIецIи хлебирар, зинализиб аклубти биштIати бахъбийур, мурул адам гъамадли хъунул адамличили зиналичи аркъян, жанивартала уркIбачи мазала гулби челгъа чула бегIлара хIурматла, чебаудилавегI гажала гIердиран адам ветарар.

(Ихала мягъна: илдани гъай гIявадарили, вьшатIала халкъла хIулбас жагадиру, амма чула уркIби къалли жанивартала дирар).

Мужагидлизибад ۞ буриб Идбагли ۞ иб или:

«Къалабаси бекIлара ахир заманала гяламатуназибад саби».

Цархил хIядислизиб леб: «хабар агар бекIлара» - или.

Абу-Гъурайрализибад ۞ буриб Идбагли ۞ иб или:

«ГялхIти адамтала гIелабад гIялхIти бубкIули, (мухъила яра хурмала) гIеладухъунти жяргагъунти (аргъалагъунти) вайти халкъ кавлан».

ХIузайфализибад ۞ буриб Идбагли ۞ иб или:

«Къияма кахледилзан Аллагъли хIябал секлал даргес хлейэсли камдахъайчил:

1. хIялалси диргъамра;
2. манпагIятла гIилмура;
3. Аллагъла гъуйчивси динна узира.

Ибну Масгудлизибад ۞ буриб Идбагли ۞ иб или:

«Ахир заманала гяламатуназибад саби мижитла михIрабуни жагадарили, уркIби харабдирнира».

Ибну Масгудлизибад ۞ буриб Идбагли ۞ иб или:

«Ахир заманала гяламатуназибад саби мижитунни дахъдаили, минаретунни гIеркъадирнира».

ИДБАГЛИЧИЛА ۞ БАЯНТИ

Ахират гъанбиркахъес

МухIаммад ДАВУДОВ,
ДР-ла муфтийла заместитель

Бисмиллагъи рряхIмани
БррахIим

Мааз ибну Джабал
виклули сай: «Нуни
ишбархIи Идбаглизи г ира:
«Расулаллагъ, хIуни набзи
аргъахъагу ишди гъайла
мягъна – Дядлизи уфъируси
бархIи хIуша ляркъядая
къукънадли.»

Идбаг ۞ висикайиб, хIулбазиради чяхIдухъунти нургъбани сунела палтар шинкIадиэсли. Пур иб: «Мааз, хIуни набзи халаси анцIбукъличила хъарбаири. Дила уммат абурцу вецIну кIира журала хIяйчиб:

Цаэси тайпа чула хIябразибад абурцу къяшми-някъби агарли, цали тIамадиру Аллагъла шайзиради: ишди саби чула унрубас вайдеш бирули буибти. Их саби чус жазаъ, ишди аркъуси мерра жагъаннаб саби. СенахIенну Аллагъ виклули сай (мягъна): « Нушани инсайчи хъарбарра сунела мякълавси, унраличивси адамлис гIялхIдеш бирахъес»;

КIиэсил тайпа чула хIябразибад цура-ла суратличил ахъбурцу, Аллагъла шайзи-

рад тIамадиру: «Ишди саби дехлиба шайчиб азгъиндеш дирули буибти, ишди аркъуси мерра жагъаннаб саби, сенкIун дехлибала хледирутас танбихI бируси саби»;

ХIябъэсил тайпа чула хIябразибад абилзахъу кумби дубуртицад даахъили, чIичIлумара гIякърабтара дицIахъили, умхIачи мешутили. Аллагъла мякъларад цали тIамадиру: « Ишди саби закIат хIелугули калунти, ишдасра жазаъ саби ихъуна, саби аркъуси мерра жагъаннаб саби».

Авъэсил тайпа саби хIябразибад мухIлубазиради хIи чяхIдиклули абурцутала. Аллагъла шайчирад цали тIамадиру: «Ишди саби чули вачар-чакарлизиб къяна-шилтахъ барибти, ишди аркъуси мерра жагъаннаб саби, сенкIун Аллагъла уличил чули дарибти хъямала ахиратлизиб гIялхIдеш хIебирар я саби бунагъуназибад умухIебирар»;

Шуэсил тайпа саби хIябразибад бемдурли абурцутала, илдала дерхIибти хамхIира дебали гягIдиклули дирар. Аллагъла шулгIиради цали тIамадиру: « Ишди саби чула бунагъуни дигIянадирули калунти, адамтазибад урухIкIули, Аллагълизибад урухIхIекIули буибти, ил багъандан тавбухIедарили бекIибти. Ишди аркъуси мерра жагъаннаб саби»;

Урегъсил тайпа саби хIябразибад чула хъубрира сурсанира чердахъили абурцу-

ти, чула уркIби гIяжамтала уркIбигъунти, чула лезми гIярабталагъунти, гIялхIдеш балхIебала, вайсилизибад гIеламахIебилзан, чузибад гIялхIси адам дигIянни, урухIкIули вашар, ихдира Аллагъли акIахъубтала бегIла вайти саби, чучи Аллагъ къиямала бархIи (уркIецIиличил) хIерхIелзан.

Абу-заррлизибад ۞ буриб Идбагли ۞ иб или:

«Ахир замана гъамбиубхIели, хяла кецIа биъни сунела мякълаб гъалабли бирар, сунела аклубси дурхIя виъниличиб,

къявгала изай (проказа) буцили абилзутала. Илди саби чула неш-дудешличи лехIхIейхъули калунти. Илдала мерра жагъаннаблизиб бирар. АллагъликIун хъарбарибсири бегIтас гIялхIдешуни дирахъес.

ВецIну цара ибил тайпа саби чула хIябразибад уркIби, хIулби сукъурли, чула цулбири бугъала мукекиличи мешути, чула кIунтIуби михъиртачи кадаибти, лезмуни биалли кумбачира къяшмачира кадиути ва жяргадешунази гIелабикили абилзутала. Илди саби держли бужули калунти. АллагъликIун держ дужахъесра, палбуршахъесра, шайтIунтала гIямултазибадра гъарахъли буахъес махбарибтири. Илдира жагъаннаблизи бархъили бирар.

ВецIну кIира ибил тайпа ил хIябразибад чула дялI вецIну шурала бацIаван ухули абилзутала. Илди сиратIла гумиличибад къукъу-лямцIван кунгли шалгIеббулхъан. Аллагъла шайчибад илдас цали иру: «Ишди саби гIялхIти баркъудлумицун дурадуркIули калунти, ишди саби бунагъуназибад умути, Аллагъ чуни разиварибти ва Ил чучи разивуибти. Чучи черти шудехIелра дехлибала заманаличир дирули калунти муъминти. Ишди алжанализиб бирар».

Дила динна узби ва рузби!

ХIушаб игъбарбиаб вецIну кIира ибил тайпализиради дихахъес. Аллагъ икъалавиаб хIушаб икIди вецIну царалра тайпализиради дерцахъес. Амин!

ВецIибил тайпа саби хIябразибад

АЛЛАГЪ

Аллагъ бехъбихъуд ва ахир агарли, даим вирус сай. Ил заманаличил варсиклуси ахлен. Илис сунени аклахъубси заманара барсхлебирар. Ил чичилра хляжатхеркур. Ил чичилра хъархерхъур. Амма лебилра Иличичун саби хъарихъути.

Аллагъ даим мицирси, къувати, гъар секлал далуси, гъар секлал иргъуси, гъар секлал чебиуси сай. Гъар секлал чянкли Илала. ахъриличирлицун детурхар: адамла бекличибад гъез кабиркниличибад бехъбихъили, Къиямала бархли дунъя булъниличи бетикайчи. Илис гякъси дигахъу, вайсиличи гяйиббиру.

Бехъбихъудлизив ца Аллагъ сайри ахлеклуби левси, гур – чилра, селра бугаги. Сунес дигниличибли кумхакъяна агарли, сунела ахъриличибли Аллагъли аклахъуб мусни-зубри, бац, берхли, зубарти, малайкуни, жинани ва ц. Илини дег гьалар аклахъубтази кадурхар Лавхлул Махлфуз (уркъули мяхкамбируси, Хранимая скрижалъ), къалам, Пярш, Курс, зубри, ванза; Илала гьергъи нурлизибад аклахъуб малайкуни, цализибад – жинани, гур – глянжилизивад адам.

Аллагъли гъар секлал аклахъуб ва илдас Суненицун бекдеш дирули сай, кйнайс, чус кабизахъурси замана баибхели, лерилра илди къирдиру. Аллагъ Диванна бархила Вегибек сай.

Аллагъличил я ахърилалашал, я чевяхъдешлалашал я багъудмалашал цугуцеси гъеч левси ахлен. Аллагълис кумхакъяна варни декси бунагъ саби, ил журала бунагълис ширк биклар, илгъуна бунагъкарлис – мушрик (язычник) биклар.

Аллагъ ца сай, цайли цаси. Аллагъла цадешла дурхъаси калима саби «ля илагъа илля ллагъ». Илис тавхид биклар. Аллагълис замана (уб, гъанна, гур), балуй шали, алгъай шали, чедила, удила гъеч хаста ахлен, сенклун илди хаста сари Аллагъли аклахъубтас. Ил багъандан Илала някъби, къяшми, лихлиби, хлулби ва цархилилти биркланти лер виклесра асухлебирар, сенклун Аллагъ Сунени аклахъубтачи мешухеркур. Къуръай буриб (сура42, аят 11): (мягъна: Иличи мешуси чилра-селра агара). Амма вагъабионти Аллагъла чархла биркланти лер или кабизур, Аллагъ, сунени аклахъубтачи мешуиркахъули.

Аллагъ аклубси ахлен (аклубси – убклар), Аллагъ убклубси ахлен, сенклун Илини саби беклара аклахъубси. Къуръайзиб Илини Сунечила иб (мягъна): «Убклубси, Мицирсиличи хъарахъи» (сура «Фуркъан», аят 58) Илизивад чилра ахлеклан. Аллагъ Сунени аклахъубтазир къайаршидиркути нукъсандешуназивад тамай умуси сай.

Аллагъли сари адамлис лерилра нигматуни, ризкъи сахаватли дедлугути, Илини хлегибси чилилра сасес хейрар, Илини лугуси чилилра тшаэс хейрар.

Аллагъ сай Диванна бархила Хала веги. Ил бархли гъарил адам Илала гъала тлашилзан, сунела дунъяла баркъудлумас жаваб бедлугули. Бунагъкарлис ил кахси бархли саби: Нуша Аллагъли аклахъубтира ва Иличи чардулхъутира.

Аллагъла мицирси ва мицирси ахленси тлабигъатлизиб, бац – бархилизиб, галактикабазиб (мусни – зубразиб) ва илди ургаб кабизахъурси низам чилилра буэ вирус ахлен. Аллагъли иб Сунечибял ца ганз кацлибсилчи Сунени вецлал ганз кайцлис, бархъси гъуйчивад вашусиличивад, Сунеглив урухклубсиличивад ва урузклубсиличивад, тавбадирусиличивад, хлярамси ва ташмишиклуси тядибирисиличивад, Сай хъумхертули гьибадат

ва хлялалси садакъа бирусилчивад, гякъти хлял-тлабигъатла вегличивад, адам гякъсилчи гъирирусилчивад, Аллагъла цадеш марбирусилчивад чевурхус или.

Чевяхъси Аллагъла чихъси даража инса зягипси девли, гякълули сядешли аргъахъес, баянбарес гъеч хейрар. Илала ахърила халадешла дазу агара.

Адамли багъес, аргъес, гъанбикахъес вирару сегъуналра замана агни, я шалара цябдешра агарси замана, яра мусни ва зубри агни, бац-бархли агни? Илкъяй-да адамла нукъсанси гякълули, дагърили аргъесхейрарсекъяйдалерилилди Аллагъли селра агнилизирад аклахъубтирла. Ил багъандан Аллагъ сегъунал пикрихейклуби, Аллагъли аклахъубтачила, Илала къуватличили пикрииклес чебиркур. Илдачила пикриикли Аллагълис марси гьибадат саби. Аллагъ сегъунал ибти пикрумани биалли, бусурман капур ветахъес асубирар.

Аллагъличи гъуни вегличибад бехъбирхъу, вегла «ну», «нуни», «дила», «наб» тамай дялчули. Илгъуна муъмин



царалти адамтиван укар, усар, базарличи ва тукейзи вашар, хъайчикайрар, амма хлулби къяпла манзиллисалра Аллагъличили гъеч хъумхерту. Ил гъуйчив хлу Аллагъли гевуцаби.

Аллагъли «Бати» ибси бати, «Бара» ибси бара. Севан бирусил буряхъа яра белчлен.

Дугъя

1. Я Аллагъ, ну тлашхели Исламличивли мяхкамвараба, ну кайибхелира Исламличивли мяхкамвараба, ну усухелира Исламличивли мяхкамвараба.

2. Я Аллагъ, нуша бутлалараба Хлуни Хела гъалжанализи ардукеси мутигъдешлара, иш дунъяла къияндешуни кункдирахъуси умутлара.

АЛЛАГЪЛА СИФАТУНИ

Аллагъла 41сифат лерти сари, илдазирад 13урклубичир руркъу:

- Салби сифатуни
1. Вужууд
2. Къидам
3. Бакъаъ
4. Мухаалифатул хляваадиси
5. Къиямумгъу бинафисги

6. Вахъданийят
7. Субути сифатуни
8. Къудрат
9. Ироодат
9. Хляйят
10. Пилму
11. Калам
12. Самгъ
13. Басар

1. Вужууд – левни, Аллагъ левнилис бикъруми Илини аклахъубти мусни – зубри, бац-бархли, урхъни, дубурти, мицираг ва ц. лерни ва лерилра илди Аллагъли кабизахъурси низам хлясибли дузни, дарсдиклини, сирдиклини, алклини ва дубклини.

2. Къидам – бехъбихъуд агарли левни. Аллагъ бехъбихъуд агарли левси сай. Иличи вирххеруси капур ветарар.

3. Бакъаъ – даимдеш. Аллагъ даимси сай. Илини Сунес дигуси кавлахъу, гурилти аргъаибти – бетихъахъу. Заманара Аллагъли аклахъуб, кабизахъур.

4. Мухалифат-ул-хляваадиси – мешудеш

я тламралашал я хлурпрашал аклахъубти ахлен. Аллагъла гъайлис адамлайсван гъайла биркланти хляжатхедиркур. Илди даимти сари. Масала, Къуръан Мухляммад ﷺ идбагли аргъеси тхлярличил хъурабариб ил гъараб вьъни сабабли гъараб мезли.

12. Самгъ – иргъни. Аллагъли гъар секлал иргъу. Илини хлергъуси селра лебси ахлен. Илис «гъарахъли-гъамли», «ахъли-гъяшли» цугхлебиркур, сенклун Аллагълизир адамлизиргъунти нукъсандешуни дугагара.

13. Басар – чебиъни. Аллагъли гъар секлал чебиу.

Чебаэс багъандан Аллагълис чархла биркланти, «гъарахъли-гъамли», «биштласи-халал», «дугели-хлерели», «цябли-шалали» гягнинидиркути ахлен. Илала чебиъни даимси ва барсхлебируси саби. Чебиънилалашла Илилизир адамлизиргъунти нукъсандешуни агара.

Субути сифатуни шявливан адамлизирра дирар. Амма адамлизир илди таманти, дурусти, саркъибти, даимти ахлен, масала, адам ухънаваибхели, самгъ, басар жагъхлелигъунти хедирар. Адамла глямрула ахир бирар, Аллагъла – гъеч хлебирар, сенклун Ил даимси сай.

Салби сифатуни ца Аллагълисун хасдирар. Илди я имцяхедирдути, я камхедирдути – даимти сари.

Авлизибад ца мазгъабла имам Маликли иб: «Аллагъ левни мягълумси саби, амма секъяйда, чинав – ил нушаб ашкарси ахлен. Аллагъ левниличи вирхес чебси саби, вегла иман (вирхни) мурхъбиклахънира хъарси бетатур. Амма ил шайчив суаликлини ва жаликлини бидгъа саби. Дила мякълавад илгъуна адам гъарахъ – гъарахъли дуглаая».

Хъумхертести насихъатуни

– Хлуни Аллагъличили хъуммартид, Аллагъли хлура хъумхертуруни.

– Хлуни Аллагъ лаймаклид, Аллагъли хлура лайхейклубуни.

– Хлу шадхели Аллагъ гъаниркахъен, хлу децлизивхели Аллагъли хлура гъаниркахъуни.

– Сай дигахъусилис Аллагълис илра дигахъу.

– урухклен Аллагълизивад, амма Илала урклубилчи хъуликлен.

– Аллагъ дебали жагаси ва жагадеш дигахъуси сай: Аллагъли адама жагати куц-кабизличил, чарх-бекличил аклахъуб. Ил багъандан хлура баркъудлумазивра, пикруми-къасаназивра, хлял-тлабигъатлизивра жагаси ветаэс къасбара.

Аллагъла улис гьергъи

Аллагъла дурхъаси ва жагаси улис гьергъи виклуси сай: «Аллагъу субхлянагъу ва тагъяла». Аллагъ капуртани чедихъибти нукъсандешуназивад умусира лебтачивалра чевяхъсира сай.

Дугъя

Биштласи ва халаси ширклизивад верцес багъандан, бархилис чуйнал тикрарбарни дебали дигеси саби.

1. Я дила Аллагъ, Хела уличибли Хези тиладибирулра дила гьибадатлизиб Хед кумхакъяна лугнилизивад ну верцахъни. Нагагъ нуни хатлаличил (хлебагъурли) ил барили виасли, Хлу набчивад чевверхни тиладибирулра.

2. Я уркиби дархъдирахъан Аллагъ! Бархъбара дила урки Хед тлягъатличи, Хела динничи.

Амин.

Хиула дягъват

Чула мулк Маккализиб цаькбарили, Саудла гяскар Джиддала шайчи батби-хьиб. Джиддала къала мутлигълебиклуси къаршибикиб, ца бархли ил гяскарли алавбарили гьегъи вагъабистунас гьелабхл чарбиэс хляжатбекиб.

Шариф Гъалиблис Макка камси заманалис буцес бикиб, амма ил чедибдеш таманси ахленри. 1219 ибил дуслизиб Гярабтазирти дявти цаькдиубдешли, хляж барес Египетлара, Шамла шайчибти адамталара ахленси бетхлеур. Ца дус дикили гьегъи Макка чаркабиубли вагъабистунала някъбази бикиб. Ил заманалис Мухляммад ибн Гябдуль-вагъаб вебкилири, амма илис гьегъи бякъунтани чус дигуси къяйда, чучи далдиркути къяйда къуръа аятуни шурдалтутири Макка кинайс буцибхели, принц Саудли амру бедиб муцур лугуси адам Маккализиб хляж барахъес вархъерхъес. Сунела амру бархъили биъни кабизахъес Саудли Къуръа аятуни диклири, чулара мягна таманни барскабарили. Илди аятуни хъурадарибтири капуртачи, чула мягнара сабри Маккала дурхъати ванзурбачи Исламлизи хьабкибти бурхълебурхъахъес. Их амру багъандан 1220 дуслизиб хляж барес имкан баклибти вагъабистуницун сабри.

1221 дуслизиб Маккализиб баклибси балагъ Мадиналичира тинтбиуб. «Динна умудеш» ибси гъайлици кабуршутира, делхъути дурхъати меранира, зияратунира сагадиуб.

1225 дуслизиб вагъабистунала гяскар Саубла урши Гябдуллагъла бекдешличил Сириялици чебухъун, Харванна шагъуртира дуцили, цаькличил чула динра тинтбиури, чучи къабулхьабкибтира кабуршули. Амма чула чедибдеш тинтбарес вагъабистунала имкан хьабкиб. 1226 дуслизиб Египетла пача Мухляммад Гяли Пашани вагъабистуначил дяв бехлихъиб ва камси заманала духнар Макка, Мадина, Таиф ва Джидда вагъабистунази датаахъиб. 1233 ибил дуслизиб вагъабистунала столица Ад-Дария

биклуси шагъарли убяхидеш буциб ва гурра 3 дус дикили гьегъи лебил вагъабистунала бекдешлизибти, адатала гъалаб хлукмура барили кабушиб.

Египет, Хиджаз ва Неджда таманни Мухляммад Гяли Пашала мулкизи даклиб ва лебил улкала цаибил дяв бехлихъайчи Маккара, Мадинара вагъабистуназираду мулири. Неджда шайчирцун сарби кахледурхути дявти. Саудла жинсла адатас деклар-декларти миллатла адатазибадли кумек лебри. Иличибли илдани Неджда бутла чули бузахъес имкан лебри. Бехлихъибси лебил улкала цаибил дявилира ва ил девлизибтала востокла шайчирти набтлици аклубси хьулли, вагъабистунала хьул алклиури Гярабтазир ардякъунти цаькани сагадихъес. Ца камси заманала бухнаб Неджд къяйда Хиджазра хъархерагарси бетаур, Малик Хусенна бекдешличил. 1917 дусличибад 1923 илибил дусличи бикайчи Англияни Недждлис кумекбариб, 542 азир Великобританияла арц дедили. Амма ил кумек чархьабатесли барибси ахленри. Чунира Неджда пачназирад тлалабдирулри ишдигъунти шуртлри:

- 1) Турцияличилси дявлизиб Англиялис кумекбарни
- 2) Хиджазличил, Кувейтлици, Иракълици, къаршили дявта хьабиркъни.
- 3) Англияла даклуси политика хлясибли вьашбикни.
- 4) Гярабла улкни Англияла политикалис къаршидешлизибад чарбирни.
- 5) Неджда бекдеш Гябдул Гязизли дирни ва илди илала наслулици чардулхъниличил вирхала бедиб, ва гьарил илдазивадли Англиялици къаршили дурахлелхъниличил шартли кабихъиб.
- 6) Сегъуна-биалра дяв кабикалли Англиялици военный ва экономикалашалси кумекбирни Гябдул Гязизлис ва илала наслулис.
- 7) Декларти улкначил сегъуналра вьагда хьабирни.
- 8) Недждлизир кадиркути лерил дяв-



тачила къалабали Англиялизи балахъни.

9) Неджда ванзурби я ижаралис я дицили дедхьелугахъни.

10) Дурхъати ванзурбачи гьундури урехиагархьедирни.

11) Кувейтличил, Бахрейничил, Катарличил ва Оманничил дявти хьедирни.

Англияла кумекличил 1921 ибил дуслизиб вагъабистуни Дар биклуси мерличил чебухъун, дахъал мицираг ардукиб. Ил дуслизиб вагъабистуни къяналичил ярагъ агарти Йеменнизибад хляж барес лябкъути хляжликъянабачи чебухъун. 200 хляжликъяна къирбарили белгъи лайбаклиб. Берцес бикибти 2 адам сабри ва илдани багъахъурсири ил халаси анцибукъличила. Англияни Хиджазла пача Хусейн варсварес пикрибариб. Хусенна мерличил Неджда пача Гябдул Гязиз катес пикри сабри. 1924 дуслизиб Англияла дигъанси кумекличил вагъабистуни гурра Хиджазличил къаршити вьашатлала дехлидихъиб. Гъалаб къяйда илдани Таиф биклуси шагъар алавбуциб ва ил мутлигъабаклибхели, иличибад цаличил ва дисбачил шалгьеббухъун. Хьунул адатира биштаттира бархли илдани 2000 адам кабушиб. Бахъал гьалимти беклиб, илдив леври лебил дунъяличил машгурси Шафигла мазгъабла муфтий Аш-Шайх Гябдуллагъ аз-Завави. 1927 ибил дуслизиб 30 000 адамра гяскарличил вагъабистуни Восточный Йорданиялици чебухъун. 1924 ибил дуслизиб вагъабистуни Маккаличил чебухъун. Маккала пача Хусейн агаркарили илала мерличил сунела урши Гяли катур. Хусейн Киприличил дуглаиб. Гялила биалли цархил гъуни аги вагъабистуначил къабулвикни ахленси. Вагъабистуначил чула цаькани дяхличаили, англияла консулла Недждлизибси асар бяхличаили Маккализиб бухнабухъун. Ца дуслу дявличил Хиджаз таманни вагъабистунала някъбази баклиб. Ва лерил илди уркеци агарти вьашатлала сагакадиуб. 1926–1927 вагъабистуни гурра Иракълици чебухъун. Гур Хиджазла ванзурбачи бухнабухъи Джиддализи бухнабухъун ва лебил адам-

тала неш Хявала хляб бехъуб. Мадина алавбуцили, Ухлудла дубурличибси Идбагла дудешла узи Хлямзатла хляб бехъуб. Вагъабистунани дурхъати ванзурбачирти гьалимтала, Аллагъла валибала хлябри дехъубли, хляжатханаби дирулри. Идбагла хлябличибси къуббара вагъабистунани хлярхьубала цализи бушиб. Чули вагъабистунани биалли ил секлал мархьебиру, лебил дунъяла бусурмантала гьимилизибад урухькули. Илдазиб бусурмантала къаршидешлизибад уре-хи хьабиллири, бегла гъалаб илдани Идбагла хляб белхъутири, сенакхенну илдала халаси гьими алкляхъуси саби, бусурмантани Идбагла хлябличил балга бирнили, Аллагълизи Идбаг багъандан кумекбарахъес тиладибикнили, илгуна баркъуди вагъабистунани ширклизи халбириси саби. Ил багъандан вагъабистунала бекдешлизибти даклули гъайбиклули саби Идбагла хляб мижитлабад дурахъес. Мадинализиб вагъабистунани Идбагла дудешла узи Гяббасла, дудеш Гябдуллагъла, неш Аминатла, хлябри дехъуб. Хлябличирти целдаби урасили, илдала мерличил диштлати къаркъуби кадихъиб. Гурра илдани дехъуб Гусман асхлябла, имам Маликла, Дзягфару Ссакляла урши Исмагилла зияратуни дехъуб. Илди балагъуни камти сари, вагъабистунани бусурмантас дарибти лерил балагъуназирад. Лебил буцибси ванзалис вагъабистунани Королевство Саудовская Аравия биклуси у бихъиб, Ад-Дарияла пача Мухляммад ибн Саудла уличил.

Нуша тлехьедилзехле камти илди замунтачирад нушала заманалици бикайчи кадикибти анцибукъуначир. Амма лебил хляжликъянабани бала вагъабистунани чула пикрумачи далхьедикибти пикрумала веги адам бусурманнизи халхьерни. «Ширк, Бидгя!» ибти тламри ахленси илдазибад селра хьабикъу.

Хъарахъуд бирар



Дазала дульахъути секлал:

1. Гъалабад яра гъалабад секлал дурабухъни

(жехл, гъархл, гъигъ, геморойла хлгъунти).

2. Гъякъулизивад ухъни (къагъиубли, кепиубли, усаи).

3. Хъат някъличил гъавратличил къячикни.

Къакънякъличил яра цархлил бирклайчил гъавратличил къячикалли, дазала хледульан. Вегъла жинсла адамла гъавратличил къячикалли, къячикибсилацин дазала дульан.

4. Чула урга мяхрамдеш (гъамси-гъамдеш) агарти мурул адамла къаркъа кам хъунул адамла къаркъа камличил къячикни саби.

Илдазивад цалра виштасира хлейубли. Илдазивад цалра верхлел дусличи хлейбси виалли, дазала хледульан. Гъезличил, никаличил, цулалличил къячикнилира дазала хледульахъа.

Мяхрамти

Цаличи ца къячикалли дазала хледульанти, чула урга магъар детхерути гъамтас «Мяхрамти» или биклар. Ишаб муйли хлясибли мяхрамти гъанбуршехе, хъунрала илдазибад багъес виар. Лебилра мяхрамти 18-саби. Илди хлябал журала саби.

1-жура. Наслула гъамти саби.

1. Неш (аба), хала неш, илала неш...

2. Рузи.

3. Рурси ва илала наслу, уршила наслула рурси.

4. Узила рурси ва илала наслу.

5. Рузила рурси ва илала наслу.

6. Адала рузи, хала адала рузи...

7. Абала рузи, хала абала рузи... Неш-дудешла гъамдеш аслуртазир сецад чедибикалра бетхлейхъур.

Урши-рурсилла гъамдеш наслуртази сецад удиахъалра бетхлейхъур.

Узи – рузила наслуртала гъамдеш сецад уди абаалра бетхлейхъур, амма илдала къяйзибад бетхлеурти гъамти хлед гъамти хлебирар.

Мисаллис буряхлейли; хлела узила рурсилла неш (узила хъунул), узила рурсилла цархлил адализирадси рузи... - хлед гъамти хлебирар. Адала яра абала, сецад хала ада, аба биалра илдала рузби хлед мяхрамти саби. Амма илдала цархлилти гъамти хлед мяхрамти хлебирар. Масала: Адала рузила рурси (хлела рузикар), я илала цархлил къяйлизирадси рузи, я

илала хлела къяйлизирад ахленси неш, хлела мяхрамти ахлен.

2. жура. Ниъла гъамти саби.

1. Ниъла неш (хлу сунени ниъли вахунси хъунул адам). Ниъла хала неш (наслуларла ниълара гъудурли риалра, ниълацин



гъамдешличил риалра).

2. Ниъла рузи (хлела нешли ниъли рахунси). Хлела убай нешли хлела адачил магъарлизир лерхлели рахунси. Хлела ниъла нешла рурси. Ниъла адала (хлуни ниъ держибси замана илала магъарлизивси мурул) рурси. Ниъла адала ниъла рурси.

3. Ниъла рурси (хлела хъунул хлечил магъарлизир лералли, илала ниъли рахунси рурси). Илала наслу (сунела наслу биалра, ниъла наслу биалра). Вегъла наслула (аклубтала) ниъла наслу (аклубти).

4. Ниъла узила рурси. Илала наслу.

5. Ниъла рузила рурси. Илала наслу.

6. Ниъла адала рузи, ниъла хала адала рузи (наслуларла ниълара гъудурси гъамдеш биалра, ниълацин гъамдеш биалра).

7. Ниъла абала рузи...

Ниъла гъамдеш биес багъандан ниъли ухънилизир клел шартл лер:

1 шартл – умутли шуйна ухъни.

2 шартл клел дус виайчи ухъни.

Ил къяйдали ухъахъалли, ил ниъла уршили ветарар. Ил хъунулла рурсби, хлятта клинайш шери рякби цархлил муруйзибад аклубтира, лебилра ил уршилис ниъла рузбили бетарар. Ил хъунулла неш ниъла нешли ретарар... Ил хъунул адамла (ниъ

духъуси замана мурул), уршилис ниъла адали ветарар. Ил мурулла рурсбира ил хъунуйзибад аклубти биалра, илис гъалаб яра клинайш карукибтазибад аклубти биалра, ил уршила ниъла рузби саби. Амма ниъла гъамдеш ца шайчибахъси табигъат саби: уршилис ил хъуна яра илала мура гъамти мяхрамти бетарар, ва амма ил уршила гъалабти гъамти (илала наслу ахленти) ил хъунул адамлис, яра илала муруйс ва илала гъамтас мяхрамти хлебирар.

Илдигъунти дахъал дархибдешуни лерли диъни багъандан, клинайш замана арбякъунхлели хъумартурли, наслулизи детхерути магъарличил цалахебикахъес багъандан, хъунул адамли дурхля ниъли вахес, муруйзи хъархебаили хлярам саби.

3 - жура. Магъарличил гъамбиубти.

1. Хъунул наслула рурси, яра ниъла рурси, ва илдала наслу. Ишаб ца шартл леб: Ил гъамдеш бехибрхъур; хъунуйчил вархикли глергъи, магъар дихъили глергъи. Ухънадеш, яра изала, яра жявли магъар бушни

сабабли, хъунуйчил вархлейкалли, илала аклубти гъамти бетхлерар. Вархикал-лира ил гъамдеш ил хъуна рурсилла наслу ахленти гъамтачи тинтхлебирар. Я ил рурсилла цархлил нешлизирадси рузи, я илала ниъла неш хлед мяхрамти хлебирар.

2. Хъубеш аба, яра хъуна ниъла аба, ва илдала аслурти (бегти).

Хъубеш аба, ва илис гъалабти гъамти хъунуйчил магъар дихъибмадан мяхрамти бирар. Ва ил гъамдеш геларти магъарла гъамти къяйда мурталралис кавлан. Хъуна илди ахленти гъамти (рузи, адала рузи, абала рузи, узила рурси, рузила рурси) хлед мяхрамти хлебирар. Илди замана гъамтицин саби. Илдас хлела хъунуйчил дарх магъар детхлерар, хъунул декларрикибмадан (магъар бушили, яра ребклили) илдачил хлела магъар детарар. Илдачибси ил замана гъамдеш биъни багъандан, илдазирад дазалара дульан.

3. Убай неш (адала хъунул). Ада – сецад хала ада виалра, ниъла ада виалра, хлед илала хъунул мяхрамти ретарар. Ва амма илала рурси хлед мяхрам ахлен (убай нешла).

4. Уршила ва илала наслула хъунул (гелин). Урши, яра илала наслу ниъла биалра деклардеш агара. Илди гъанбушибти 18 ахленти, мяхрамти ахлен; илдачи къячикалли, дазала дульан. Илдачи къячикни, някъ буцини – хлярам саби.

Гъуслу.

Гъуслу – лебилра чарх: гъезби, кам, никуби, таманни дирци саби.

Гъуслу чеббихъути 6-секлал сари.

Илдазибад хлябал мурул адамличира хъунул адамличира гъуслу чеббихъуанти сари:

1. Мурул адамларла хъунул адамларла гъамдеш кабикни саби. Ил замана клилицибра гъуслу чеббихар, шагъват дурадухъни хлебиаллира.

2. Шагъват дурадухъни саби (хъунул адамличил гъудуриъниличибли диаб, яра иштхлечил хлеръибниличибли диаб...).

Шагъват цархлилти дурадухъути секлуптазирад деклардарес виарар хлябал секлайзирад чаличибли:

1. Иштхлечил дурадухъан.

2. Гужличил диртули дурадухъан.

3. Шинклиали диалли башанаглагъуна гягл бирар, деръубхлели гидгарилла цубалагъуна гягл бирар.

Ишди гъандушибтазирад ца гъламат баргалли, гъуслу чеббихар, амма ихди даклибти секлал нясти ахлен.

Ишди гъандушибти гъламатуни агарли (иштхлехъи яра деклси секлайчи увяхъибхлели) даклибти секлал нясти сари, амма гъуслу чебхлебирар.

Исламла календарьлизирад

Ряхиму-урклеци

Аллагъла Расул ﷺ викусири: «Ванзаличиб лebtачи хлушани ряхиму-урклеци диреная, илхлели зубрависили хлушачира уркеци биру» (Бухари).

Шагъид

Идбагли ﷺ иб: «Шубехл адамти шагъидуни саби: вабаълизибад беккибти, даргла изайзибад беккибти, шиннизиб къягибти, гъятбильумала удиб калунти ва Аллагъла гъуйчиб алхунти». (Бухари).

Бархбасуни дузахъни

Пумарли ﷺ бурни хлясибли нушачи баили саби, Идбагли ﷺ ишкъяйда ибсири: «Хурмат бирнила бегларла чихъси даража адамли сунела дудешлис дигахъули калунти адаметала хурмат бирни саби».

Ил хлядисла цархлил вариантлизиб бурули саби Идбагли ﷺ ишкъяйда иб или: «Гъарли-марли, хурмат бирнила бегларла черяхлти журабазибад ца саби, вегъла дудеш вебклили глергъи, илис дигули буибти адаметчил гъяхлти бархбасуни дузахъни» (Муслим).

ДехИба къадри

Абу Хлурейрани бурни хлясибли нушачи баили саби Идбагли ﷺ ишкъяйда бурибсири или. Аллагъла Расулли ﷺ адаметчи хъарбаили или сай: «Бурая, хлушазивад чидилла-дигара юртла унзала гъалаб хлеркл кабухъунси биалри ва хлуша илизир гъар бархли шуйна дизути диадарли, илала глергъира цалра нядешлизив кавлив?» Илдани жаваб бедили саби: «Нядешунала къел-хлерзилра кахлевли». Илхлели Идбаг ﷺ викули сай: «Ил бирни гъар бархли шудехл дехибала дир-

ниличил цугбуцес виарар, илди багъандан Аллагъли хлушазивад гъарилла бунагъуни ушкули сай» (Бухари).

Тавба дирни

Аллагъла Расулли ибсири: «Эй адамти, Аллагъла гъалар тавба диреная, нуни биалли, гъарли-марли, гъар бархли Илала гъалар даршна тавба дирулра!» (Муслим).

Алжанала къапу

Балахъули саби Анасли ишкъяйда иб или: «Идбагли ﷺ иб: «Бурсурмантазивад чила-биалра балугълахлебаибти хлябал дурхля бекклилли, илди дурхлначи Сунела уркеци барили, Аллагъли гъарли-марли ил алжайзи айцлахъу». (Бухари,

